

DIE XIX. JULII.

OFFICIUM
B. JOANNIS DVKLA
CONFESSORIS.

DUPLEX.

*Omnia de Commun. Cf.
non Pont. prater seq.*

ORATIO.

DEus, qui B. Joannem
Confessorem tuum
eximie humilitatis, & pa-
tientie donis decorasti:
concede propitius, ut e-
jusdem imitantes exempla,
consequamur & premia.
Per Dñm.

*In I. Noct. Lect. de Script.
occur.*

IN II. NOCTURNO.

Lectio iv.

JOannes in oppido Du-
Kla Polonie Regni
honestis parentibus
natus, ab infantia futura
sanctimonie non obscura
prebuit indicia: Divina si-
quidem benedictione pre-
ventus, nihil ab uberibus
matris sue in ore frequen-
tius, quam sacrosancta Je-
su, & Marie nomina, ha-

bere consuevit. Christia-
ne perfectionis desiderio
incensus, adhuc adolefcens
Regulam Sancti Patris
Francisci apud Minores
Conventuales professus
est; eo successu, ut una
cum etate crevit etiam in
eo eminentiorum virtu-
tum exercitatio; & ob sin-
gularem humilitatem, gra-
vitatem morum, & effulam
in omnes charitatem fra-
tribus evaleret acceptissi-
mus. Ad Religionis mu-
nia inventus maxime ido-
neus, pluribus Cœnobiis ex
obedientia preffuit, & Leo-
polititanam custodiam sum-
ma cum laude administra-
vit. R. Honestum fecit.

Lectio v.

A Sancto Joanne à Ca-
pistrano per Casimi-
rum Regem sub id tempo-
ris in Poloniam evocato,

* Fra

Fratribus Minorum de Observantia adscriptus, præconceptam sui expectationem abundè cumulavit. Nam orationi, & cælestium rerum contemplationi acriùs insistere, erga fratres, ac proximos nullum charitatis officium prætermittere in deliciis habuit. Regularis observantiæ adeò zelator extitit, ut non sine lachrymis, vel minimam negligi Sanctæ Institutionis partem animadverteret: eoque vel uno libello ditissimus, illum ferè quotidie, aut ipse per se legeret, aut ab alio sibi perlegi oblectaretur. Nihil illo tolerantius in laboribus, in vigiliis, & voluntaria corporis afflictatione, nihil continentius in victu, & vestitu fuit. B. V. Mariam singulari prosequabatur devotionis affectu. Ad hæc mirificam diffidentes componendi gratiã, insignem castitatem, & placrem addidit obedientiam. B. Amavit eum.

Lectio vi.

Predicationis vim, & efficaciam ad profe-

ctum attulit animarum; maximè in Ruthenis schismaticis, & Armeniis confutandis, quos ad Catholicæ fidei unionem revocare omni ope satagit. A cælestis vitæ tramite aberrantes, quamvis ex diutino morbo captus oculis, qua Concionibus, qua sacris Confessionibus audiendis, in rectam viam reducere nunquam destitit. Demùm septuagenarius gravium infirmitatum doloribus, eximiã patientiã toleratis, munitus Ecclesiæ Sacramentis, & Psalmis Pœnitentialibus recitatis, Leopoli, ipso die festo Sancti Michaëlis Archangeli, obdormivit in Domino, anno millesimo quadringentesimo octogesimo quarto. Ejus vitæ, atque obitus sanctimonia, & miraculorum fama apud Polonos, præsertim & Lithuanos, magno semper in honore fuit. Quare Summus Pontifex Clemens Duodecimus Beati Joannis cultum ratum habuit; ipsamque à Polonis, & Lithuanis inter primarios Patronos alle-

tum

Etum ampliori veneratio-
ne eoli in posterum Apo-
stolica benignitate conce-
fit. R. Ille homo.

IN III. NOCTUR.

Lectio S. Evangelii secun-
dum Lucam.

Lectio vii. Cap. 12. d

IN illo tempore : Dixit
Iesus discipulis suis: No-
lite timere, pusillus grex,
quia complacuit patri ve-
stro dare vobis regnum.
Et reliqua.

Homilia S. Petri Chryso-
logi Episcopi.

*De Terrarum cura despi-
cienda. Serm. 23.*

Hodie Dominus Evan-
gelici gregis pusilla,
& tenera primordia, quam
blanda exhortatione fit
consolatus, audistis. Noli-
te timere, pusillus grex,
quia complacuit Patri ve-
stro dare vobis regnum.
Aufert spes anxias, dubios
tollit eventus, omnemque
propellit, & excludit ti-
morem, quando in exordio
ipso regnum nascentibus
pollicetur, quoniam com-
placuit Patri vestro dare
vobis regnum. Quis de vi-
sibus, quis de vestitu, quis de

plebeio censu, & vernalis
c. spiritus vil. tate suspirat?
De regno certus, de domi-
nate securus, satis filii
invidet, qui elevatus ad
summa, ipse se ad humilia
deiecit, ad egena deponit.

R. Ille est qui.

Lectio viii.

Sed scire convenit, Pater
iste quis est, vel qualis
est, vel quod regnum fi-
liis suis repromittit. Quis
fit iste Pater, quot. die te
confitente cognoscis, cum
clamas: Pater noster, qui
es in caelis: qualis autem
fit, ipsa operum magnitu-
dine pervidisti: ex nihilo
fecit caelum, terram soli-
davit ex liquido, montes
statuit ad stateram, maria
intra legitimos terminos
sola praecepti auctoritate
conclulit. Verum si regni,
quod promittit pusillis,
desideras noscere qualita-
tem, ipse aperit, sic dicen-
do: Sinite parvulos veni-
re ad me; talium est enim
regnum caelorum.

R. Sinite lumbi vestri.

Lectio ix.

Esse in caelo mirum est;
in caelo vivere est ma-
jestatis:

jestatis : iam regnare in
 cælo quanti sit, sentius de-
 siunt estimare mortalis: &
 tamen homo, quod æsti-
 mare non potes, percepisti,
 Apostolo sic dicente:
 Quod oculus non vidit,
 nec auris audivit, nec in
 cor hominis ascendit, que
 præparavit Deus diligen-
 tibus se: & quod te mere-
 ri dubitas, habere te, &

possidere; iam cogere
 confiteri. Quid ergo cum
 terra illi, qui possidet cæ-
 lum: Quid illi cum hu-
 manis, qui adeptus est jam
 Divina? Nisi fortè pla-
 cent gemitus, eliguntur
 labores, amantur pericu-
 la, pessima mors delectat,
 & illata mala bonis sunt
 gratiora collatis.

Te Deum laudamus.

LEOPOLIEN.

Suprascriptas Orationem, & Lectiones proprias in hono-
 rem B. Joannis de Dukla Ordinis Minorum S. Fran-
 cisci de Observantia, per Emum. & Rnum. D. Card. Bur-
 ghesium revisas, atque correctas, & in Sacra Rit. Congreg.
 relatas; Sacra eadem Congregatio, audito prius R. P. D.
 Ludovico de Valentibus Fidei Promotore, ad instantiam
 P. Fr. Eleutherii ManKutevicz Ordinis Minorum de Ob-
 servantia Provincia Russia, benigne approbavit, ac in
 posterum in Officio ejusdem Beati in universo Ordine Mi-
 norum S. Francisci, & ab omnibus Ecclesiasticis utrius-
 que sexus, qui ad Horas Canonicas tenentur in Regno Po-
 lonia, ac Magna Ducatu Lithuania recitari, & Missam
 respectu e celebrari posse indulset, atque concessit. Hac die
 7. Decemb. 1743.

F. J. A. Card. Guadagni Pro-Præf.

Loco ✕ Sigilli.

T. Patriarchæ Hierosolymitanus;
 Secret.